

譚可奕公傳略

祖可奕公，字彥明。江西吉州泰和縣籍也。仕唐為宣議郎，以曾孫貴追贈光祿大夫。奕公少負奇才，慷慨有大節，不屑隨俗疲靡。懿宗咸通元年庚辰（公元八六〇）十二月，氣寒雪甚，持時久焉，黎庶僵仆，十存一二。且官司苛刻，賦役繁重，奕祖憤然興避地之思。歷經艱辛携子守祿時值咸通十四年癸巳（公元八七三年）卜居楚之茶陵今十五都鄧塘是其始遷處。僖宗乾符二年乙未（公元八七五年），祿祖生武興。是時黃巢兵起未靖，寇賊蹂躪，何以安居？尋于中和二年壬寅（公元八八二年）八月十三日，卜遷繞溪十三都焦坑，今太平園是也。抑又聞之太平園在神仙嶺址下，初無此名，奕祖念先世起家金陵太平路，迁徙屢易，未有寧宇，始擇堯溪龜卜咸吉，爰命名曰：太平園，以示不忘本云。奕祖生于唐憲宗元和元年丙（公元八〇六年），卒：于中和三年癸卯（公元八八三年）三月十三日午時，享壽七十七歲，葬二十八都山。配伍氏歿失考葬上塘虎形亥山巳向。生子一守福留守江西，繼配李氏生子一守祿，三配佐氏，李佐二氏同葬上塘松山寨龍形辛山乙向。一本堂曰：安土重遷，

斯言信哉。然为子孙计，深远其贻，可弗善欤？余尝过衡岳，逾长沙至茶陵，询邓塘访尧溪遗址，拜诸父老，犹有能道其详者，先人之流迢远矣。昔陶居公三徙成名，吾奕祖有焉。

摘自《湖南茶陵谭氏十八宏首修通谱》

湘潭谭氏源流编纂委员会